



寶刻叢編卷第二

京東西路

南京

錢塘陳

思

纂次

應天府高辛氏子闕伯所居商戰  
 也周武王封微子啟是為宋國  
 國時齊楚魏滅之三分其地秦置  
 碭郡漢為梁國東漢晉因之元魏  
 為梁郡後周置梁州隋開皇初郡  
 廢十郡六年置宋州天寶元年曰  
 陽郡梁號為宣武軍節度使唐改  
 歸德軍  
 皇朝景德四年陞應天府大中祥  
 符七年

秦祖楚文

此文出於近世而刻畫完好文詞字札古  
奇可喜元祐間張芸叟黃魯直皆以今文  
訓釋之然小有異同 金石錄

治平中渭之耕者得之于朝那湫傍熙寧  
初蔡挺于正為渭帥乃徙置郡解其辭正  
巫咸文同而字體亦相類惟大沈久湫神  
名君與後稱堯剋楚師巫咸文云克殄楚楚  
不同者二字蓋亦當時同刻之文也 林葉石

碑藏故樞副敏蔡肅公屋壁寔熙寧戊  
申後七十一祀歲在敦牂故第燔毀武  
畧大夫汶陽李伯祥來宰宋城雅好古  
文徙置郡解屬予以歲月紀于碑陰首  
夏戊午前府從事代郡畢造記蓋紹興  
八年也 本碑跋尾

漢山陽太守祝睦碑

碑云君諱睦字元德其下遂闕滅不能成  
文惟其官壽年月可見云賓于王庭除北  
海長史云云遷常山相山陽太守年六十

有八月<sup>延熹七年</sup>丁巳卒睦有二碑皆在南京虞城

此碑不世次 後碑則頗完 集古錄

漢山陽太守祝君之碑篆額睦<sup>祝君名</sup>字元德濟陰人 接下頁歷北海相長史



寶文齋

卷二

二

歷北海長史郎令北軍中候尚書尚書僕射常山相山陽太守以威宗咸熙七年卒

隸釋

### 漢山陽太守祝睦後碑

前碑不知所立人名氏兩碑所載官闕壽考年月悉同而此碑有立碑人名氏睦氏世次云故吏王堂等竊聞下有述上之功臣有叙君之德其餘文字亦完可讀

集古錄

漢隸不著書撰人名氏睦故吏王堂等所

立其所叙述與前碑同

集古錄目

漢故山陽太守祝君碑篆額與前碑皆在應天之逆數而十月無甲子趙德夫金石錄識府虞城縣祝君以延熹七年卒故吏王堂等三年禮闕相與刊此名則延熹之九年也其詞聲牙頗有難通者

隸釋

食之逆數而上十月無甲子趙德夫金石

錄識

兗州

襲慶府大都督府春秋戰國為魯  
 邾二國之境秦置薛郡二漢屬魯  
 國泰山山陽郡晉屬魯郡山陽  
 置兗州宋屬魯郡泰山高平魏后  
 為晉郡北齊改為任城郡隋開皇  
 三年郡廢大業二年改兗州為魯  
 郡唐武德初克徐圓朗復曰兗州  
 天寶元年白魯郡後陞太寧軍節  
 度周降防禦  
 皇朝建隆元年復大寧軍大中祥  
 符元年陞都督府今縣七  
 瑕丘 奉符 泗水 龔丘 仙源 萊蕪 鄒縣

秦泰山刻石并二世詔

訪碑錄

李斯篆在奉符縣泰山頂上

小篆之法出於秦相李斯斯之相秦焚棄

典籍遂欲滅先王之法而至己之所作則  
為萬世不可朽之計何其愚者按史記秦  
始皇帝行幸天下凡六刻石及二世立又  
刻詔書于其傍今皆亡矣獨泰山頂上二  
世詔僅在所存數十字爾今俗傳嶧山碑  
者史記不載又其字特差大不類泰山存  
者其本出于徐鉉又有別本出于夏竦家  
自唐封演已言嶧山碑非真而杜甫直謂  
棗木傳刻爾余友人江休復謫官於奉符  
嘗自至泰山頂上視秦所刻石處云石頑  
不可鐫鑿不知當時何以刻也其四面皆  
石無草木而野火不及故能若此之久也  
然風雨所剝其存者纔數十字而已

集古錄

大中祥符歲

真中皇帝東封此山兗州太守模本以獻  
 凡四十餘字其後宋莒公模刻于石歐陽  
 公載于集古錄者皆同蓋碑石為四面其  
 三面稍磨滅故不傳世所見者特二世詔  
 書數十字而已大觀間汶陽劉斯立親至  
 泰山絕頂見碑四面有字乃模以歸文雖  
 殘缺皆尾完具不可識者無幾于是秦篆  
 完本復傳世間矣碑既出斯立模其文刻  
 石自為後序謂之泰山秦篆譜云金石錄  
 史記載秦始皇帝及二世皆行幸群縣立

石刻辭今世傳泰山篆字可讀惟二世詔  
 五十許字而始皇刻籀則謂已亡莫可復  
 見宋丞相莒公鎮東平日遣工就泰山摹  
 倚墨本以慶歷戊子歲別刻新石親作後  
 序止有四十八字歐陽文忠公集古錄亦  
 言友人江鄰幾守官奉符親到碑下繞有  
 此數十字而已余以大觀二年春從二三  
 鄉人登泰山宿絕頂首訪秦篆徘徊碑下  
 其石埋植土中高不過四五尺形制似方  
 而非方四面廣狹皆不等因其自然不加



磨礮所謂五十許字者在南面稍平處人常所撫搨故士人大夫多得見之其三面尤殘缺蔽闇人不錯意余審觀之隱隱若有字痕刮摩垢蝕試令撫以紙墨漸若可辯自此益使加工撫之然終意其未也政和三年秋復宿嶽上親以羶椎從事校之他本始為完善蓋四面周圍悉有刻字總二十二行十二字字從西南起以北東南為次西面六行北面三行東面六行南面七行其末有制曰可三字復轉在西南棱上每行字数同而每面行数乃不同如此廣狹不等居然可見其十二行是始皇辭其十行是二世詞以史記證之文意皆具計其缺處字数適同于是泰山之篆遂成完篇宋歐陽二公初未嘗到惟憑工象所說無 惟人多以二公為信故亦不復詳閱余既得墨本并得碑之形象制度以歸親舊聞之多來訪問倦于屢報乃為此譜大凡篆字二百二十有二其可識者百四十有六今亦作篆字書之其毀缺及漫滅

不可見者七十有六以是記文足之在于下

成猶壁間久幽沉晦之迹今遂歷然秦至  
無義不足論然李斯小篆古今所師經千  
三百有餘歲而後彰茲可尚也

河間劉斯立

### 秦嶧山碑

在鄒嶧山南二十里亦名鄒山秦始皇東  
行郡縣上鄒嶧山刻石頌秦德李斯篆書

篆字記

始皇帝東巡群臣頌德之辭至二世時丞  
相李斯始以刻石今嶧山寔無此碑而人  
家多有續者各有所自来昔徐鉉在江南

以小篆馳名鄭文寶其門人也嘗受學於  
鉉亦見稱於一時此本文寶云是鉉所摹  
文寶又言嘗親至嶧山訪秦碑莫獲遂以  
鉉所摸刻石於長安世多傳之

集古錄

唐封演聞見記載此碑云後魏太武帝登  
山使人排倒之然而歷代摸拓之以為楷  
則邑人疲於拱命聚薪其下因野火焚之  
由是殘缺不堪摸寫然猶求者不已有縣  
宰取舊文勒于石碑之上置之縣廨令人  
間有嶧山碑者皆是新刻之本而杜甫直

以為棗木傳刻者豈又有別本歟按史記二十八年始皇東行群縣上鄒嶧山立石與魯諸生議刻石頌秦德而其頌詩不載其他始皇登名山凡六刻石史記具載其詞而獨遺此文何哉然其文詞簡古非秦人不能為也秦時文字見於今者少此雖傳摹之餘然亦自可貴

金石錄

### 漢居攝墳壇刻石二

其一云上谷府鄉墳壇其一云祝其鄉墳壇皆居攝二年三月造上谷群名祝其縣

名不知所謂府鄉與縣鄉為何官蓋自王莽居攝官名日易故史家不能盡紀也其曰墳壇者古未有土木像為故壇以祝之兩漢時皆如此

金石錄

### 漢吳雄孔子廟置卒史碑

此碑已見下第十五頁

隸書不著名氏其奏曰司徒雄司空戒言前魯相瑛言孔子廟褒成侯四時祠已即去有禮器無常人掌領乞置百石卒史出王家錢給饗食禮元嘉三年奏制曰可司徒司空下魯相承書從事選年四十通經藝者永興元年相平等言司徒司空府除文學掾

魯孔何如牒并為贊刻於後吳雄河南人字李直趙  
 戒成都人姓乙字少卿平原高唐人集古錄目漢碑在者多  
 摩滅此碑幸完好可讀錄之以見漢三公奏事如此集古錄孔子  
 置守廟百石卒史孔鮒碑無額在仙源縣威宗永興元年立碑  
 載孔子十九世孫麟庶請置百石卒史一人掌廟中禮器魯相  
 乙瑛書言之於朝司徒吳雄司空趙戒奏於上詔魯相選年四十  
 以上通一經者為之時瑛已滿秩去後相平復以其事上於朝  
 嘉祐中郡守張稚圭按圖經云鍾繇書繇以魏太和四年卒  
 去永興七十八年圖經所云非也錄釋

漢孔廟德讓碣

蓋其名已磨滅但云字德讓者宣尼公二  
 十世孫都尉君之子也仕任歷郡諸曹史年  
 二十永興二年七月年遭疾不錄碑在孔子  
 墓林中永興孝和帝王桓號也都尉者宙也

集古錄

漢隸不著書撰人名氏孔君名缺德讓其  
 字也孔子二十世孫仕任至郡諸曹史碑以  
 永興中立在孔子墓林中集古錄目

漢孔君墓碣

在孔子墓林中其額題孔君之墓文已殘

缺其前云元年乙未而元年上闕二字按  
東漢書自建武以後惟桓帝永壽元年歲  
次乙未其他有三乙未皆非元年然則此  
碣所闕二字當為永壽也

金石錄

### 漢魯相韓勅造孔廟禮器碑

碑云永壽二年歲在涖灘霜月之靈皇極  
之日永壽桓帝年號也按爾雅云歲在申  
曰涖灘桓帝永興三年正月戊申大赦改  
元永壽明年歲次丙申曰歲在涖灘是矣  
霜月之靈皇極之日莫曉其義疑是九月

五日

集古錄

漢隸不著書撰人名氏據碑孔子舅顏氏  
居魯親里并官聖妃居安樂里魯相河南  
京人韓勅氏叔節復其里中繇後以尊孔  
子孔子廟舊藏車見毀于秦項之際勅修  
立宅廟造俎豆瑟鼓之屬更作二輿時桓  
帝永壽二年也

集古錄

### 漢韓勅碑陰題名

自曲成候王嵩二百河南成臯蘇漢明二  
百而下共六十二人孔彪孔宙皆在列中

復錄

漢韓勅脩孔廟後碑

碑云皇漢帝永壽三年青龍建酉孟秋之  
旬升布天德帝拜大臣曾曾玄玄云云末  
有府君諱勅字叔節等題名十一人闕里  
祖庭記有永壽三年韓勅修孔子墓碑在  
墓林中當是此碑復錄  
威宗永壽三年立其間云修飾舊宅改畫  
聖像立禮樂器車輿薦席墻室壇井皆修  
廟事也其云謁廟拜墓謂孔墓也隸釋

漢韓勅孔廟後碑陰

碑陰孔凡五列所題士大夫可辨者七十人  
不名者八人漢人題名有稱徵試博士者  
此碑一人稱徵士蓋聘召而不行者自第  
二至第五列以其後四行直書冢下復民  
姓名皆郡小也故不當律令後一行云永  
壽三年孔從事所立隸續

漢韓勅孔廟後碑兩側題名

兩題名廣不及尺長如其碑蓋是刻于兩  
傍者趙氏錄韓君後碑亦有陰豈即此耶  
或別有之也中祥符年遣翰林待詔尹

熙古書七十二賢贊有鐫記在其上又有  
知縣廟事孔子四十四代孫景同誌之文  
知此在孔林而為韓碑題名較然矣石之  
一有唐人李鉉肱及慶歷中辛若渝題識歲  
皆刻于漢字之上使古  
侵蝕吁可惜哉隸續

漢泰山都尉孔宙碑

碑云君諱宙字季將孔子十九世孫也六  
十一延熹六年正月乙未以疾卒于家官  
闕甚簡又或殘缺不完但見其舉孝廉為

郎遷元城令遂為泰山都尉爾

集古錄

隸書不著書撰人名氏孔君名宙字季將  
孔子十九世孫後漢桓帝時為泰山都尉  
以疾致仕碑以延熹七年立

集古錄目

有漢泰山都尉孔君之碑篆額孔君名宙  
即融之父也歷郎中都昌長元城令泰山  
都尉威宗延熹六年正月卒碑以次年七  
月立

隸釋

漢孔宙碑陰

碑殘缺其姓名邑里僅可見者纔六十二

人其稱弟子者十人門生者四十三人故  
吏者八人

漢吳雄孔子廟置卒史碑

續資治通鑑長編

卷一百一十五



隸書不著書名氏其奏曰司徒雄司空戒  
言前魯相瑛言孔子廟褒成侯四時祠已  
即去有禮器無常人掌領乞置百石卒史  
出王家錢給饗禮元嘉三年奏制曰可司  
徒司空下魯相承書從事撰年四十通經  
藝者永興元年相平等言司徒司空府除  
文學掾魯孔龢如牒并為贊刻于後吳雄  
河南人氏字季直趙戒成都人  
姓乙字少卿平原高唐人集古錄目  
漢碑在者多磨滅此碑幸好可讀錄之

以見漢三公奏事如此

集古錄

孔廟置守廟百石卒史孔龢碑無額在仙  
源縣威宋永興元年立碑載孔子十九世  
孫麟庶請置百石卒史一年掌廟中禮器  
魯相乙瑛書言之于朝司徒吳雄司空趙  
戒奏於上詔魯相選年四十以上通一經  
者為之時瑛已滿秩去後相平復以其事  
上於朝嘉祐中郡守張稚圭圖經云鍾繇  
書繇以魏太和四年卒去永興蓋七十八  
年圖經所云非也

隸釋

漢魯相晨謁孔子冢

漢魯相晨謁孔廟冢

文已斷裂缺其上一段其畧可見者云建  
 寧元年三月十八日丙申晨又云其四月  
 十一日戊子到官謁孔子冢其他文字雖  
 完皆不可次第魯相晨有兩碑皆在孔子  
 廟中其一碑云臣蒙恩受任符守得在奎  
 樓周孔舊寓又云臣以建寧元年到官其  
 一碑云魯相河南史君諱晨字伯時從越  
 騎校尉拜以建寧元年四月十一日戊子  
 到官然則斯碑所載名晨者蓋魯相史晨

也金石錄

漢故司空孔扶碑

漢故司空孔公之碑隸額闕里祖庭記云

孔林有司空孔扶碑碑錄云司農孔峽碑

在仙源縣墓前建寧元年立農峽二字乃

傳寫之誤其文上一半皆以淪缺僅存其

下九行多者十有四字碑云孔子十九世

孫則泰山都尉宙河東太守彪臨晉令僖

之從昆弟也順宗紀陽嘉二年六月太常

魯國孔扶為司空注云字仲淵次年十一

月免詳此碑之辭乃司空當國時辟史晨

之父為士曹屬東閣祭酒後三十有三年

當靈帝建寧之元年晨自越騎校尉拜魯

相以三月丙申受命四月戊午到官既謁

見先聖冢遂為司空公刻此碑其文云五內

慘惻霰滂然隕涕追感亡父也遇立石以示

後昆蓋是懷思酬德之碑非表阡紉壙之

文也趙氏以為魯相謂孔子文當是不見

其額之故也隸續

漢史晨祠孔廟奏銘

魯相上尚書章其畧云建寧二年三月癸

郊朔七日己酉魯相臣晨長史臣譙頓首  
死罪上尚書臣晨頓首頓首死罪死罪臣  
以元年到官行秋饗飲酒泮宮復禮孔子  
宅而無公出酒脯之祠臣輒依社稷出王  
家穀春秋行禮建寧靈帝年號也于此見  
漢制天子之稱尊其辭補損稱頓首死罪而不敢  
斥至尊因尚書以致達而已余家集錄漢  
碑頗多亦有奏章患其磨滅獨斯碑首尾  
字脩可見當時之制也集古錄  
魯相史晨祠孔廟奏銘靈帝建寧二年立

按永興元年孔龢碑載吳雄奏用辟雍禮  
春秋饗孔廟出王家錢給大酒直距此纔  
十有七年史晨復云到官秋饗無公出酒  
脯之祠至於自用俸錢乞依社稷出王家  
穀以供裡祀此盖有司崇奉不虔旋踵廢  
格也孔龢碑中吳雄奏章則云奏雒陽宮  
此亦奏牘乃云上尚書者郡國異于朝廷  
不敢直達帝所因尚書以聞也樊毅復華  
下民祖奏其式與此同隸釋

漢史晨饗孔廟後碑

碑云魯相河南史晨字伯時從越騎校尉  
拜以建寧元年四月十一日戊子到官乃  
以今日拜孔子冢後有天授二年馬元貞  
題復錄  
前碑載奏請之章此碑叙饗禮之盛其補  
墻垣治瀆井種梓守冢皆在饗廟之後字  
畫亦大小不等蓋史君孔林中事不一書也隸釋

漢魯相謁孔廟殘碑

文已殘缺碑云帝命筭授俾相于魯吉日  
令人欽謁缺下存者八行共百七字兗州石

氏題為駐蹕亭前斷碑復錄

首尾上下皆碎裂餘石纔有數行前有帝

命筭授俾相于魯吉日令辰欽謁十四字

又云春秋烝嘗幾以獲福蓋是謁廟之文

題為駐蹕亭前斷碑此亭蓋在闕里趙氏

著錄有魯相謁孔子碑而無其說疑即此

也隸釋

漢北陵太守孔彪碑

其名氏磨滅不可見而世次官闕粗可攷  
云孔子十九代孫潁川君之元子也舉孝

廉除郎中博昌長遭太守君憂服竟拜尚  
 書侍郎治書御史博陵太守遷下邳相河  
 東太守建寧四年十月卒其餘文字歷歷  
 可讀以其斷絕處多文理難讀故不復盡  
 錄然其終始畧可見矣惟其中名字皆亡  
 為可惜也

集古錄

歐陽公云孔君名字磨滅不可見今此碑  
 雖殘缺而名字尚完可識云君諱彪字元  
 上建寧四年卒七月卒

金石錄

漢故博陵太守孔府君碑篆額孔君名彪  
 歷郎中博昌長京府丞

京字

尚書侍郎治

漢孔彪碑陰

故吏司徒掾博陵安平崔烈字威考十三  
 人皆博陵人

復錄碑

漢御史孔翹碑

喜平元年立在家前孔子十九世孫州舉  
 孝廉拜御史遷中牟洛陽令

闕里記

漢孔乘碑

君諱乘字敬山修嚴氏春秋在孔子墓林

中關里記

漢孔林殘碑

篆書碑石中斷字畫磨滅不可讀關里記

漢御史大夫鄭宮碑

在龔立縣墓下訪碑錄

漢御史大夫卜式墓碑

在奉符縣北二十五里訪碑錄

徐州以下俱關

拱州

曹州興仁府

鄆州

濟州

單州

濮州

寶刻叢編卷第三

京西南路

京襄州

錢塘陳

思纂次

春秋以來楚地秦南郡之北界二  
 漢屬南陽南郡魏置雍州東晉置雍州宋  
 文帝割荆州置雍州後梁蕭瑩都  
 此西魏改曰襄州隋開皇初郡廢  
 大業初州廢復置襄陽郡唐武德  
 四年曰襄州天寶元年曰襄陽郡  
 後為山南東道節度今縣六  
 襄陽穀城中廬  
 鄧城宜城南漳

漢南陽太守秦君碑

互見鄧州



在宜城

碑錄

在

今之故

都也按漢紀中平三

年二月江夏兵趙慈反殺南陽太守秦頡  
鄴道元注水經云元注秦頡郡人以江夏  
都尉出為南陽太守卒于南陽還葬宜城  
余昔從事總幕奉饗荆楚道出石古郡于  
荒烟落日吊所秦君冢者有碑巋然剝蝕  
殆盡徘徊其下親視臨榻僅得數十百字  
而止其額十大字曰漢故南陽太守秦君  
之碑其名字除拜俱不可攷天下碑錄載

秦君之碑有二一在宜城一在南陽惟碑  
首存歐趙二錄止得碑首俱南陽本也余  
歷走邊郵四懷南陽之機探古索隱無所  
不到訪南陽之石無有矣惜哉集古後錄

漢荊州從事苑君碑

漢故荊州從事苑君之碑篆額碑云君諱  
鎮字仲弓南陽人也碑殘缺不見立石年  
月復益碑錄

漢築陽侯相景豹碑

在穀城西一里文字磨滅訪碑錄

漢侍中王逸少碑

在宜城南三里 訪碑錄

漢<sup>山</sup>三陽太守碑

在穀城縣北二十里 訪碑錄

漢司徒掾梁休碑

在穀城縣四里建安二十七年立文字磨

滅訪碑錄

司徒掾梁君碑建安篆額惟存掾碑二字

碑錄云襄州穀城有司徒掾梁君碑建安

二十七年立此黃初前一年也豈吳人尚

用漢歷乎否則誤事也梁君名休字元堅

為郡五官掾歷郎中光祿主缺一辟司徒

府掾拜新都令有葬年月而缺其所終太

守太守趙君相與一謚之曰貞文子銘詩

以三言為文 隸釋

漢郭先生碑

不見書撰人名氏碑在襄州穀城縣界中

其辭云先生諱輔字輔成又云年五十有

二遇疾而終其文字古質蓋漢碑也其用

鄉鄙字與漢婁壽碑同 集古錄

隸書不著書撰人名氏書字甚古蓋漢碑也先生名輔字甫成荊州人碑在穀城縣

集古錄目

集古錄以為漢碑按後魏鄜道元注水經曰載此碑云碑無年號不知何代人然則歐陽公何所據遂以為漢人乎余以字畫驗之疑魏晉時人所為既無歲月可攷姑

附于漢碑之末

金石錄

郭先生之碑隸額郭君名輔無歲月時代歐陽公以為漢碑趙以為魏晉字畫今碑

有昭字晉人所諱疑此是魏刻隸釋

魏襄

陽

太守劉府君碑

魏故襄陽太守虎威將軍平都亭侯劉府君碑其字甚偉高貴鄉公正元年三四月

二十日辛丑建

後集碑錄

魏劉熹學生冢碑并陰在

在今穀城縣界中余為乾德令時嘗以公事過穀城見數荒冢在草間傍有古碑傾側半埋土中問其村人為何人家皆不能道而碑文磨滅不暇讀而去後數年在河

北始集錄古文思嚮所見穀城碑疑為漢  
碑求之有數年乃獲按襄州圖經云學生  
冢在縣東北水經注云魏濟南劉熹字德  
怡博學好古立碑載生徒百餘人其不終  
業而卒者葬于此號學生冢今碑雖殘缺  
而熹與生徒名字往往尚可見蓋余昔所  
見乃學生冢而碑魏時碑也熹穀城令也集古錄

隸書文字磨滅不完其間有稱大魏者又  
曰濟南劉熹字德怡而最後有學生名百  
餘人并列其所授諸經襄州圖經曰熹嘗

為穀城令學者多往從之其受業未終而  
歿者悉葬之謂之學生冢此碑是也在穀

城縣學生冢傍集古錄目

魏學生冢碑在今襄州之穀城按鮑至南  
雍州記穀城穀伯綏之國其東北有學生  
冢冢有碑據鄜道元水經注乃濟南劉熹  
字德怡魏時宰縣雅好博古教學立碑載  
生徒不終業而卒者乾道初元春三月余  
督饗穀城撫得此本星凡授尚書者二人授  
禮記者七人授孝經儀禮者各一人授左

傳者六人授易者四人授詩者十七人各書州里姓氏字之而不名祭酒一人故吏二人生三十有八人童八人書姓氏書名而不書里邑孔子作春秋視之賢否為褒貶或以名或以字或書爵邑或不書豈亦春秋之意乎法集古後錄

晉杜預碑

在襄陽縣東九里峴山下

訪碑錄

梁檀溪寺禪房碑

梁信威主簿劉之迥迥序記室參軍鮑迥銘

前輔國郡都曹參軍許璠書檀溪寺者東晉人張殷以宅所立咸安中沙門道安重建宋元嘉二十五年有西域浮圖又建禪房于池水之東其地逼隘梁天監四年勅別給池西之地移而立之碑于天監十一年四月立集古錄目

梁三絕碑

劉孝儀文蕭子雲書普通三年立

諸道石刻錄

梁重立羊祐墮淚碑

梁大同中以舊碑殘缺再書而刻之碑陰

具載其事今附于次 金石錄

晉故使持節侍中太傅鉅平城侯羊公之

碑篆額正書無姓名字畫亦類劉靈書年

月同下碑 復無碑錄

羊公墮淚碑不著書撰人名氏襄陽舊

傳謂李興初撰也梁大同十年雍州刺史

以故碑闕落命別駕從事史劉伯推摸立

此本故碑一丈一尺開元間故碑尚無恙

李翰林有龜頭剝落生莓苔之句今不存

矣 集古後錄

梁改墮泪碑

劉之遴撰劉靈正書大同十年九月 金石錄

梁平等剎下碑

梁興業寺碑

廣元威撰 二碑諸道石刻錄

周刺史豆盧公德政碑

在襄陽縣東三里 訪碑錄

周襄州司馬陳府君德政碑

在襄陽縣西五里 訪碑錄

後周故儀同陳毅誌

保定三年癸未十二月辛卯朔十九日己酉立

復益碑錄

### 後周常樂寺浮圖碑

周保定四年立記室曹胡達撰其辭云襄州刺史王秉字孝直建常樂寺磚塔七層其碑文作在開元寺塔院其文字書畫無過人者特以後周時碑文所建于世故存

之

南豐集古錄

### 大周鉅魏君之神道字

在鄧城縣南十二里張相公墓前

訪碑錄

### 隋興國寺碑并陰

隋內史李德林撰襄州祭酒從事丁道護

書隋文帝父忠當魏周之際常將兵南定

襄及文帝即位建此寺以祈福碑以開皇

六年正月立

集古錄目

歐公常得啟法寺碑列於集古錄中而於太學官楊褒處見興國寺碑以不得入錄為恨今碑陰又有襄州鎮副總管柳止戈以以下十八人姓名字畫尤完好歐陽公所未見也蔡君謨題其後云在杭州日坐

容有云小說稱丁真草木永固知名丁何人也予謂道護豈其人耶按法書要錄丁覲與智永同時人善隸書世稱丁真永草非道護也

金石錄

興國寺在望楚山今為延慶寺

南豐集古錄

大興國寺銘李德林撰丁道護書隋開皇間以襄州鳳林山鳳林寺為大興國寺至唐會昌五年武宗用道士趙歸真說大毀佛寺復僧尼為民而寺廢懿宗朝州刺史蔣係請復寺為延慶寺從之建炎初寺為

灰燼此碑獨巋然露立在今府城東南十里歐陽公頃常見墨本於學官楊君家欲求其本不知碑所在曾南豐謂延慶寺在望楚山非也城西南三里有山聳然曰尖山者其上可以見鄆城宋元嘉中武林靈王駿更名望楚余登望楚屢次烏睹所謂延慶者哉

集古後錄

興國寺碑陰有柳止戈而下十八官姓名

亦丁道護書蔡君謨題其後云杭州日坐

有客曰小說稱趙德夫按法書要錄曰非

丁真永草木永固知名丁何人也道護豈其人也



道護丁覘與智永同時世稱丁真永草德夫之言是矣余謂丁覘在時必未得此教西臺既陷簡書湮散丁尋卒于維揚妙蹟日為難得已而智永師盛以草書名江東然後人以永草配丁真也丁覘洪亭人梁孝元在荊州凡書記俱其筆當時尚為之語曰丁君十紙不教王褒一字獨顏之推愛重而寶持之蕭子雲問典籤惠編曰君王賜書殊為佳乎姓名為誰編以覘對子雲歎曰不為世所稱亦奇事事見顏氏家

訓恐忘之聊附于此 集古後錄

前陳伏波將軍陳詡墓誌

周 碑缺 撰開皇二十年十二月十八日葬 復無碑錄

隋啟法寺碑

隋儀同三司周彪撰襄州從事丁道護書隋開皇初詔後周所毀佛寺皆復建之州人共造此寺刺史韋世康名之曰光福禪房後又改為啟法寺以仁壽二年十二月立并邑人趙勵等題名 集古錄目

此書兼後魏遺法與楊家本微異隋唐之

交善書者衆皆出一法道護所得最多楊  
本開皇六年去此十七年書當益老亦稍  
縱也蔡君謨跋

蔡君謨博學君子也於書尤稱精鑒余所

藏書未有不更其品目者其謂道護所書

如此有太學官楊褒者喜收書家藏道護

所書興國寺碑是梁貞明中人所藏君謨

所謂楊家本者是也集古錄

啟法寺碑開皇中立啟法寺今為龍興寺

在襄陽城西南豐集古錄

啟法寺碑仁壽二年建曾南豐以為開皇

中立誤也道護之書見於世者獨興國寺

碑與此碑爾二碑俱在襄州前年春訪碑

於寺止得興國寺碑而啟法寺碑無有此

可珍也集古後錄

### 隋儒學碑

大業三年立諸道石刻錄

唐襄州刺史鄒襄公張公瑾碑

釋法琳撰蘇敬雅正書貞觀七年七月立

襄陽圖經云碑今亡復錄

唐法門寺記

無撰人名氏沈季範正書貞觀十一年二

月十五日立復錄

隋處士羅靖誌

處士以仁壽四年五月二十三日終夫人

張氏於唐龍朔二年終合葬於習地復錄

襄陽有隋處士羅君墓誌曰君靖字禮襄

陽廣昌人高祖長卿齊饒州刺史曾祖宏

智梁殿中將軍祖養父靖學優不仕有名

當代碑字畫勁楷類褚河南然父子皆名

靖為不可曉拓拔魏安同父名屈同之長

子亦名屈祖孫同名胡人無足言者但羅

君不應爾也容筆

隋處士羅君碑字畫可喜而不載書人名

氏初余至襄州刺史館余于州治之東池

有木龕塵網如積埽滌而視之此碑也遂

撫得之去年春余復有荆襄之行訪此碑

則曰卒吏輩寶持不度碎而棄之矣可謂

不幸也昔林邑王楊邁死子咄立慕其父

德改名揚邁昭穆兩世而一名余每笑歎

謂天下事何所不有今羅君之父名靖而羅君亦名靖殊不可曉羅君以仁壽四年卒夫人以龍朔二年葬自隋仁壽四年訖唐龍朔二年則夫人之守志蓋五十有九年以壽終亦可尚矣

集古後錄

唐口巖寺西德義社浮圖銘

儀鳳二年四月八日立在鳳林山

復錄

唐啟法寺金銅無量壽像碑

唐張昌齡撰吳知禮分書永淳元年四月八日建

復錄

唐孔子廟堂碑

唐于敬之撰正書無姓名垂拱元年立其前魯大司寇贈太師宣尼父孔子廟堂碑銘春秋之法或書字或書名皆所以寓褒貶之意今敬之為孔子廟碑而斥其名何哉

金石錄

唐襄州刺史封公碑

撰人姓名殘缺宋之慈正書垂拱元年十月立字書頗佳之慈之問弟也

金石錄

大周靜貞觀碑

何彥光撰正書無姓名登封元年二月立  
金石錄

唐尹仁恕妻韋夫人墓誌

正書無書撰人名氏題云三代孝子尹府  
君妻韋夫人墓誌開元二年十一月立  
碑後錄

唐遍學寺碑

唐黃門侍郎韋承慶撰大子詹事越圖公

鍾紹京書將侍郎阮弘靖建禪院于遍學

寺以開元二年立此碑

集古錄

承慶有詞學張易之敗時承慶以付記方

附記

待罪衆推令草赦書承慶援筆而成衆壯

之詔紹京景龍中以苑總監從討韋氏有功

性其書家藏王羲之獻之褚遂良書至數

十百卷以善書直鳳閣武后時榜諸宮殿

明堂及銘九鼎皆紹京書也其字畫妍媚

道勁有法誠少與為比然今所見特此碑

尚完尤為可愛也遍學寺于宇文周為常

樂寺於今為開元寺

南豐集古錄

唐韋承慶撰鍾紹京書按書苑紹京者鍾

繇十五世孫按姓纂繇弟演演玄孫雅雅

五代孫韜韜孫寵寵曾孫法威生紹京乃  
鍾演十五世孫繇十五世之姪孫耳武后  
時題諸公宮殿明堂及銘九鼎俱紹京筆  
當時呼為小鍾景龍間以誅韋氏拜中書  
令朝廷稱其功勳忠鯁筆翰為三絕明皇  
在舊邸愛重其書及即天子位復拜戶部

尚書太子詹事此碑開元二年立集古後錄

唐裴觀德政碑

唐賈昇撰僧湛然分書開元八年立在峴

山復無碑錄

唐御製孔子廟堂贊

開元十一年八月四日建諸道石刻錄

唐刺史靳恒遺愛頌并陰

唐張九齡撰高慈正書開元十一年立碑

陰述群官陪靳使君登峴山紀文復無碑錄

唐韓公井記

不著書人名氏八分大書三字曰韓公井  
其記真書舊傳并有靈人不敢汲唐採訪  
使韓公酌而飲之由是汲者無患故以為  
名韓公名朝宗碑以開元中立在宜城集古錄目

開元二十二年初置十道採訪使韓朝宗以襄州刺史兼山南東道採訪使襄州南楚故城有昭王井傳言汲者死人行雖暵困不敢視朝宗移書諭神自是飲者無恙人更號韓公井楚故城今謂之故墻由梁太祖父烈祖名誠當時避之故至今猶然此記今移在郡廨中

南豐集古錄

唐庠狄履溫遺愛頌

唐周擇從撰蕭誠書天寶三載正月金石錄襄陽令河庠狄君遺愛頌天寶中周擇從

撰蕭誠書石已中斷僅存其半云名履溫時之後按北史庠狄時傳其先遼東人段

匹碑之苗裔以避難變姓庠狄集古錄後錄

唐尹仁恕闕文并旌表記

不著書撰人名氏闕文凡十二字曰大唐孝子四葉旌表尹仁恕闕其後有記仁恕曾祖養伯字嗣宗祖忬字守忠父慕先字冬筠仁恕曾祖養伯字嗣宗祖忬字守忠父慕先字冬筠仁恕字南金皆以孝行被旌表仁恕闕以天寶五年立

集古錄目

唐尹氏孝德記

唐吏部尚書同中書門下三品張東之撰  
不著書人名氏怍字守忠襄陽人事親居  
喪皆以孝稱貞觀龍朔中再有詔褒美旌  
表門閭碑以天寶五年立 集古錄目

襄陽尹氏世以孝聞天下嗣宗生怍怍生

慕先慕先生仁恕一門四闕而此記又張

東之作忠臣孝子萃此一碑可尊也 集古錄後錄

唐放生池碑

唐襄陽太守山南東道採訪使李愷撰

撰為八分不著名氏愷以城下漢水為放

生池立此銘不著年月 集古錄目

唐放生池石柱銘

不著書撰人名字天寶十載李愷為襄陽

太守父老李君秀等請以襄陽臨溪兩縣

江水近城者為放生池止人魚釣立石柱

於東西境上以表之因以君秀等狀及州

符刻於柱上 集古錄目

放生池唐世處處有之王者仁澤及於草

木昆蟲使一物必遂其生而不為私惠也



易大傳曰庖犧氏之王也能通神明之德以類萬物之情作結繩而為網罟以佃以魚蓋言其始教民取物資生而為萬世之利此所以為聖神也浮圖氏之說乃謂殺物者有罪而放生者得福苟如其言則庖犧氏遂為人間之聖人地下之罪人也

集古錄

唐襄陽牧衛玠遺愛頌

唐李邕撰蕭誠書天寶中立

訪碑錄

唐襄陽牧獨孤冊遺愛頌

唐李邕撰蕭誠書天寶中立

金石錄

唐江夏太守李邕撰蘭陵蕭誠書府君名冊字伯謀河南人嘗為襄州刺史此碑襄人所立也石為四面其兩面剝闕不可讀不知所立年月

集古錄

蕭誠書世多有而此尤佳碑在峴山亭下碑為四面而一面最完令人家所傳祇有一面而余所得有二面故其一面頗有誤闕也府君諱冊字伯謀河南人也

集古錄

唐襄陽令盧僕德政碑

唐太子正字闕寬撰伊闕縣尉集賢院待

制史惟則八分書僕字手成范陽人為襄  
州長史此蓋去思碑也碑字多殘缺不見  
所立年月集古錄目

唐襄陽令盧君德政碑天寶中立金石錄

### 唐王縠石井欄記

魏侍中王縠故宅在襄陽其石欄至唐猶  
存上元二年山南節度使來瑱移之于刺  
史官舍參謀甄濟撰記判官彭朝儀書上  
元二年七月立集古錄目  
甄濟者韓所謂陽瘖避職卒不污祿山父  
子事者也其文得之為可喜而朝儀書尤  
善皆可喜者也南豐集古錄

### 唐廣習池記

唐盧允中撰大曆二年立訪碑錄

### 唐襄州新學記

唐盧郡撰羅讓書貞元五年六月建碑陰  
題山南東道節度嗣曹王臯等十三人名  
銜復益碑錄

### 唐漢陽王張柬之碑

唐李邕撰瞿令問八分書貞元十二年十

一月立 金石錄

唐王榮石井欄又記

唐上元二年來瑊移之州治立石作記貞

元十七年于頔為節度又為之記掌書記

胡証八分後人題記頔進封燕公隨軍屈

貴書貞元十七年六月立 集古錄目

唐修劉景升廟記

唐盧群撰羅讓書貞元中立 訪碑錄

唐孟浩然碣

唐樊澤撰正書無姓名無立石年月 金石錄

唐處士孟君墓碑按唐史浩然襄陽人卒

于開元之末 木樊英澤為節度使乃刻碑鳳林

山南封寵其墓余嘗親拜墓下碑刻兩面

其一面極磨滅首行有江南風景四字墨

工謂之江南風景碑多不摸傳余反復研

味乃同一碑爾遂語諸人其後得全碑者

自余始此碑樊澤撰不載書人姓名襄陽

耆舊傳謂亦樊澤書其間可與言詩及詩

語樂和詩字俱從音從寺此字于他書無

所見獨見于此聊記之 集古後錄

唐樊成公遺愛頌

唐中書舍人平章事李絳撰太子少保鄭  
餘慶書襄州刺史山南東道節度使袁滋  
篆額滋以憲宗時鎮山南言故貞元中節  
度使樊澤在州有善政請立遺愛碑絳奉  
勅撰澤字安時南陽人後終于荆南節度  
謚曰成碑以元和八年十二月立集古錄目  
碑云相國賈公時鎮漢南以公為行軍司  
馬明年召賈公公代其鎮賈公者賈耽也  
初耽以德宗在梁使澤奏事俄有急詔以

澤代耽大將張獻甫曰天子播越行軍以  
公命問行在乃反利公土地可謂事人不  
忠矣軍中不平請為公殺之耽曰是何謂  
也朝廷有命即為帥矣碑稱詔書始下而  
人情悅毀譽之不可以為信如此集古錄後

唐絳州長史李君夫人京兆杜氏墓誌

從弟宣猷撰大和五年葬於襄陽明年厝  
于習池後記李公諱齋用大和九年卒附  
于夫人瑩孫亞夫記復至碑錄

唐文宣王廟記

唐裴度撰崔倬書盧弘宣篆額大和六年  
四月金石錄

唐王榮石井欄別記

唐會昌二年節度使盧鈞復理榮舊井別  
作新石欄而記之前武功縣尉李掖書集古錄目

唐劉修五道將軍記

唐朱泳撰無書人名氏會昌三年七月復錄

唐修興國寺舍利塔銘

唐魏子仲述會昌四年二月建復錄

唐漢江神廟記

唐孟珏記正書無姓名會昌六年八月立復錄

唐三聖蘭若鏡燈記

唐楊知遠撰屈師穆八分書并古文篆額  
大 太中五年七月建復錄

唐立蜀相武鄉侯諸葛公碑

唐李景讓撰正書無名氏篆額大中十年三  
月建復錄

唐延慶院記并碑陰勅牒

唐蔣係撰魏修正書咸通三年八月立碑

陰勅牒二咸通二年趙韜正書復錄

唐尊勝經

咸通七年五月諸道石刻錄

唐徐商德政碑

唐李隲撰李曉隸書并篆額咸通六年十

二月建復錄

唐延慶院經藏銘

唐趙璘撰裴光遠分八書并篆額咸通九

年六月建復錄

唐義亭記

唐劉虛白撰裴光遠正書篆額咸通九年

六月立復錄

唐聞喜亭記

唐趙璘撰咸通十一年四月五日作亭復錄

唐新瓶池臺六詠

唐裴坦撰正書無名氏咸通十一年立刻

於聞喜亭記碑陰復錄

唐雲麾將軍宋戎墓誌

從孫程撰劉虔古書并篆額咸通十一年

八月復錄

唐社稷壇記

唐容管經畧推官皮日休撰國子監缺學  
博學士裴光遠八分山南東道節度使裴  
坦新修州之社稷壇以咸通十二年刻此  
記集古錄目

唐山南東道左押衙韓政誌

正書無書撰人名氏乾符己亥九月後齋碑錄

唐新立鎮南將軍劉表廟碑

唐陵州刺史劉權撰并書劉表字景升山  
陽高平人後漢末為荊州牧僖宗時山南  
東道節度使臣容常夢見之故為立廟巨  
容自稱裔孫碑以廣明二年立集古錄目

唐劉表碑陰

碑陰劉巨容題記與廟碑同巨容甌立廟  
因于墓側構水亭為遊宴之所後記表僚  
屬蒯越韓嵩等及屬先主在荊州事迹末  
有表所作山道口亭銘刻在廟碑之陰集古錄目

唐改封武滅王新廟記

唐徐礪撰正書無名氏篆額光化二年六  
月立在襄陽縣諸道石刻錄

唐淮安王趙公祠堂記

無建碑之歲月又不載其名氏莫詳為誰  
余疑趙德諲即其人也按唐書德諲書初  
從秦宗權為右將以討黃巢功授申州刺  
史而碑云大寇作二京陷公始為義陽群  
太守義陽群即申州也又按光啟元年秦  
宗權陷襄州以德諲為山南東道節度留  
後文德元年德諲以襄州降以德諲為忠  
義軍節度使宗權平加中書令封淮安郡  
王遷拜次序與此碑所書俱合碑又云令  
令公功業不虧于舊日官榮更顯于昔時  
今令公者其子中書令正凝正凝以天祐  
元年封此楚碑王此碑盖立龍紀之後天  
祐之前故正稱為令令公也

集古後錄

後梁重建鼓角樓記

鄭勞謙撰正書無名氏開平二月十二日

復至碑錄

梁修峴山亭記

無書撰人名氏篆額貞明二年十一月

諸道石刻錄

晉臥龍山武靈王學業堂記



李光圖撰正書無名氏篆額天福三年七月記

復齋碑錄

通州石固尉鄧茂誌

毛元素撰無立石年月 復齋碑錄

梁將軍碑

在穀城縣北二十里 訪碑錄

節度使梁崇義碑

在襄陽縣東二里 訪碑錄

大將軍席肅公之神道

陳仁稜書彌陀經

延慶院重修法堂記

韓思復碑

道德經幢

五碑諸道石刻錄

鄧州

春秋時申鄧二國之地戰國屬韓  
 自後屬楚秦置南陽郡二漢因之  
 晉屬南陽國又順陽義陽二國之  
 境宋齊為南陽郡後魏兼置荊州  
 西魏置重鎮隋開皇初改為鄧州  
 大業初州廢復置南陽郡唐武德  
 二年曰鄧州天寶元年曰南陽郡  
 梁陞為宣化軍節度後唐改白威  
 勝周改曰武勝今縣五  
 穰縣 南陽 內鄉 浙川 順陽

漢張平子前後殘三碑

漢崔子玉撰并書其刻石為二本一在南  
 陽一在向城天聖中有右班殿直趙球者  
 知南陽縣事因治縣廨毀馬臺得一石有

文驗之乃斯銘也遂龕于廳事之壁其文  
至凡百君子而止其後半亡矣其在向城  
者今尚書屯田員外郎謝景初得其半於  
向城之野自凡百君子以上其前半亡矣  
今以二本相補續其文遂復完而闕其最  
後四字然則昔人為二本者不為無意矣  
唐寶曆中有徐方回者別得二十一字云  
是銘最後又疑球所得南陽石之半亡者  
爾今不復見則又亡矣惜哉集古錄  
小篆世傳崔子玉撰并書衡字平子南陽

西鄂人仕漢至河間相碑有二一在今鄧  
州南陽縣自凡百君子以上亡之今已二  
縣之向城村自凡百君子以上亡之今以  
二本相續而文遂完文章篆畫撫向城之  
本而勒之南陽更為橫卷用便卷舒耳非  
如杜元凱兩碑之謂也集古錄

### 漢司空宗俱碑

碑云公諱俱字伯儷南陽安衆人也而其  
額題漢司空宗公之碑碑已殘缺不成文  
理而官秩名字鄉里特完可攷故祥錄之金石錄

漢司空宗公碑篆額碑之文皆已殘缺惟  
名字群邑父祖獨存而官秩尚可見宗公  
名俱已察孝廉為城門候歷郎中議郎五  
官中郎將越騎校尉汝南太守少府太僕  
太常遂拜司空范史靈帝紀建寧三年七  
月太常宗俱為司空熹平二年正月薨宗  
均傳云族子意意自有傳以章和中為司  
隸校尉其傳云孫俱靈帝時為司空碑與  
史皆合惟傳誤以宗為宗爾俱持國秉一  
歲有半雖無列傳不詳其人賢否而宦者  
傳云熹平元年有人書朱雀闕言天下大  
亂曹節王甫幽殺太后公卿皆尸祿無患  
言者司隸劉猛以誹書言直不冒急捕若  
俱者亦尸祿一人之數也

漢司空宗俱碑陰

宗俱碑陰額上六大字篆曰門生立碑人  
名正碑甚剋滅碑背所摸損却不多上下  
凡四橫書其人郡邑名字略無官稱當是  
門生朱筮仕者故吏不應無碑不傳于後

世爾隸續

漢宗資墓天祿辟邪字

宗俱碑陰額上六大字篆曰門生立碑人  
在宗資墓前石獸膊上按後漢書宗資南  
陽安衆人也今墓在鄧州南陽界中墓前  
有二石獸刻其膊上一曰天祿一曰辟邪  
集古錄

篆書四字後漢宗資墓前有石獸刻其膊  
上各二字在鄧州南陽縣界中

漢園令趙君碑

其額題漢故園令趙君之碑而最後題初  
平元年十二月二十八日立碑已訛缺名  
字皆不可攷

金石錄

漢故園令趙君之碑隸額名字俱缺趙君  
所歷二邑其一惟存新字而滅其下文其  
卒以靈帝中平五年又二年獻帝初平元  
年立此碑

隸釋

漢南陽太守秦君碑

題云漢故南陽太守秦君之碑秦君不知  
為何人不著書人名字其碑皆漫滅不可

讀獨此篆額完曰漢故南陽太守秦君之碑在南陽縣集古錄目

文字已磨滅惟其額十大字尚完好故名字歲月皆莫可攷按後漢書靈帝紀中平

三年二月江夏兵趙慈反殺南陽太守秦頡或云此即頡碑也然酈道元水經注載

頡墓與碑皆在宜城此碑乃在南陽或是郡人所立德政頌爾金石錄

歐趙皆云文已磨滅惟存其額十大篆字所得者猶有九十餘字其後有孝廉十二

人上計掾史五人題名水經云宜城有南陽太守秦頡墓墓前二碑頡郡群人也以江

夏都尉為南陽太守道過宜城見一家東向頡駐馬視之曰此可作冢後頡卒于南

陽喪還至此車不肯退進故吏因市此宅葬之則知此為秦頡碑也其間有光和三年

字蓋是述其前事天下碑錄云碑在宜城熹平年立非也隸釋

漢屬郡蜀國都尉王君神道

在南陽頡云漢故屬郡蜀國都尉王君神

道封陌按酈道元水經濟水南道側有二石樓制作精妙題云蜀郡太守姓王字子雅南陽西鄂人有三女無男而家累千金父沒當葬三女各出錢五百萬一女作墓二女建樓此碑後有唐向城令張濬之撰孝女雙石樓記所書與水經注合惟水經誤以都尉為太守耳濬之記唐天寶七年

建金石錄

### 魏橫海將軍呂君碑

魏故橫海將軍章陵太守都鄉侯呂君之

碑篆額呂君名字皆剝剝以黃初二年卒魏隸之佳者惟鍾梁之碑四君范武碑則

又次之此刻差勝賈逵劉熹爾隸釋

碑云君諱朗字義先博望人也其先四嶽出自炎帝年六十有一黃初二年正月薨夏候湛撰郡吏楊向勒銘碑在南陽縣

### 晉張平子碑陰頌

晉南陽相夏候湛撰隸書不著名氏湛因行縣至西鄂過墓衡刻此頌于碑陰集古錄目

### 西魏持節征東將軍景宣頌

大統十年七月初二日甲申建碑復錄

西魏征東將軍景宣碑石已破破剥失其姓

字其額云大魏持節征征下碑云君名景

宣宣下

又云拜持節征東將軍南陽太太下當

是持節征東將軍南陽太守故南陽立此

碑也其同十年

甲大同十年即西魏大統十年

也此為大統無疑余故標其目曰西魏征

東將軍景宣碑集古後錄

### 東魏崇先寺記

碑無歲月不知何時所立建此寺者隴西

君君上滅一字其官為持節假撫軍將軍

鎮遠將軍諫議大夫新野鎮將帶新野太

守當郡漢廣兩郡大都督令以盧辨所作

九命攷之撫軍將軍大都督八命鎮遠將

軍諫議大夫正六命又攷新野郡在漢為

縣晉太康中為侯國至惠帝始分南陽立

新野郡齊永泰元年魏孝文攻圍新野太

守劉忌死之地入于魏唯漢廣郡求之于



史無所得今南陽平氏有徐使君碑稱興  
和三年拜撫軍將軍南雍州刺史在漢廣  
置立州鎮其陰又有漢廣太守郡丞郡功  
曹等數人興和靜帝年號此君疑亦當時  
人也集古後錄

東魏徐穆之碑

武定元年立

諸道石  
刻錄

唐南陽令鄧慈豐山堰記

前南陽尉劉單撰并書永徽三年正月十

五日立

復齋  
碑錄

唐開新野縣

唐立五殺大夫碣

不著撰人名氏唐人鄭璉書據碑因過五  
殺大夫墓作此銘以開元二十三年六月  
立集古錄目

按寰宇記南陽縣西南七里有五殺大夫  
墓墓有碣即此碣也南陽故申伯之國楚  
文王滅申以為縣秦昭襄王使白起代楚  
取卽郢其地為南陽郡改縣曰宛五殺

大夫宛人仕虞為大夫晉獻公滅虞虜之  
以媵于秦後亡走宛楚人執之繆公贖以  
殺羊之皮五授之國政故稱五殺碑云夫  
姓百里名奚諸侯受封地方百里因名為  
莫知孰是 集古後錄

唐令長新誠

開元中縣令徐抗所刻太室山人劉飛書  
在穰縣 集古錄目

唐擇縣令勅

唐南陽新野令李伯豫行書天寶六年十  
月建 復無碑錄

唐孝女雙石樓記

唐向城令張濬之撰正書姓名殘缺天寶  
七年三月 金石錄

唐南陽縣廳西墉記

唐徐方回撰并分書大中十一年立 訪碑錄  
方回云寶應中為南陽令得崔子玉所作  
平子銘末二十一字闕于廳之西墉按今

西鄂石本末句見在方回所得乃南陽半石之末也今又止矣惜哉

集古錄

歐陽公云方回寶應中為南陽令得平子銘末二十一字闕于廳之西墉頃余至南陽親摸此記記後別有小篆曰朝議即前行楚州寶應縣徐方回大中十年冬領此縣十一年立此記寶應昔肅宗以楚州獻寶玉應以元年為寶應元年更楚之安宜為寶應縣自寶應紀元至大中十年相去寔九十五年方回大中十年始領南陽縣

事所謂寶應中為南陽令歐陽公覽碑誤

矣

集古後錄

### 唐寓居石表記

唐陝府芮城縣尉馮禮與書隋大業中高祖寓居芮城縣之至德鄉大中十三年縣令高玄暮各三字在鄧州南陽縣界中

隨州

春秋隨國戰國屬楚秦屬南陽郡  
 二漢因之晉屬義陽郡惠帝置隨  
 郡宋齊因之西魏至并州後改曰  
 隨州隋開皇初郡廢大業初州廢  
 置漢東郡唐武德四年曰隨州天  
 寶三年曰漢東郡  
 皇朝乾隆五年陞崇義軍節度太  
 平興國元年改崇信軍今縣三  
 隨縣 唐城  
 棗陽

漢舜子卷義井殘碑

舜子卷義井碑凡二十三行行三十七字

石埋斲剥僅有五十餘字依約可辨其間

有光和三字知為漢碑也碑在隨之舜

子卷元祐丁卯年郡守許覺之始徙于後  
圃識其陰云五大夫秦爵也秦距今千數  
百年漢東故物獨此尚存

菩提達摩碑

圓覺大師塔碑

二碑諸道石刻錄

漢舜子卷義井殘碑詩

刻詩一篇於碑之額云一千二百餘年外  
萬事銷磨不可舜子井泉誰記古隨人閭  
巷祇知今隸書字雜科蟲體民爵名存樂  
石陰登覽時來醒醉目猶勝他物在園林  
予謂秦人刻石皆用篆許君不能詳視碑  
中光和紀年遂指此為秦碑非也隸釋

寶光寺藏書

金州 以下闕

房州


均州

郢州

唐州

光化軍

道光廿年歲次庚子五月廿八日校正卷一至卷三履卿手記



程